

Hocouh Si Haeuj Lenzdui Guh “Bet It” Lienzvuen Cauhguh Minzcuz Doxgiet Baenaj

7 nyied 30 hauh, aenciet “bet it” laeb bingdoih yaek daengz, Hocouh Si Minzcunghvej daengz giz diegyouq Vujgingj Hocouh Cihdui Ginzvu Baujcamg Cunghdui, guh aen hozdung haeuj lenzdui cauhsuh minzcuz doxgiet baenaj caeuq camnai bouxbing, hoh gyoengq bouxbing angq gvaq ciet. Youq duenh guh minzcuz doxgiet vwnzdij hozdung, song baih vunz cungj haeujsim haenqrengz doxdax bau aendomq、song vunz daenj haizgieg beij vaiq. Cieplaeng, gyoengqde caeuq daengxcungq guenbing guhdoih diuq fouxfaexsaux, doq diuq doq riu, gij cingz lumj bya caeuq raemx nei caiq gya ndei lo.

(Cau Ginhbinh/赵金宾)

►Guhdoih angq diuq fouxfaexsaux.



▲ Gyoengq vunz Dungcuz yienj Heiqdung.

Sanhgyangh:

Gyoengqvunz Senj Dieg Angq Yawj Yienjheiq

7 nyied 29 hauh, Sanhgyangh Dungcuz Swciyen haeuj Gujyiz Cin Nanzcan Segih guh aen hozdung ndeu—daengz giz boux senj dieg comzyouq lwnh gangj “gyaez youq maij guh hawj vunz sim raeuj” caeuq roengz lajmbanj yienjheiq、roengz caengzdae senhconz lenzcwnv vwnzva; vunz dangdieg yienj lai cungj lai yiengh cezmuiz ndei yawj—baudaengz Heiqdung、dohyeh、ciengq go diuq foux、doxdax dap banggungz cihsiz ndaej ciengj、Heiqdung lenzcwnv daengj, baenzneix hawj gyoengqvunz senj dieg angq yawj baenzroix vwnzva cezmuiz, gvaq ndaej lai vuenyungz lai habhoz, baenzneix couh okrengz coengh aen yienh neix lai ak lai ndei duetgungz.

(Gungh Bujangh/龚普康)

Denzyangz Gih Comz Nungzminzgungh Beij Dinfwngz Bang Vutgungz

7 nyied 30 hauh, Bwzswz Si Denzyangz Gih comz nungzminzgungh youq Gujdingjyangh Daihhawciengz doxbeij dinfwngz. Gungh miz 270 boux nungzminzgungh daeuj doxbeij guhhong. Baez doxdax neix faen 9 yiengh hong — boudaengz guh hongranz、ganq bouxgeq、ganq lwg’oiq、youq diemqngaiz fugsach、guh hong ganghginh、dajcawj gijgwn yiengh Cungguek、cang va、guh denhan、hai cica daengj. Yiengh doxdax ndeu nda seiq yiengh ciengj——it、ngeih、sam daengj ciengj caeuq youhsiuciengj.

(Vangz Gozsun/黄国顺)



▲ Gyoengq nungzminzgungh nyaengq doxbeij cang va.

Yungzsuij:

Vunz Ranzgungzhoj Ndaej Youq Laj Laeuz Guh Hong



▲ Boux ranzgungzhoj ndeu angq guh ndangdaenj.

7 nyied 30 hauh, youq Yungzsuij Myauzcuz Swciyen giz boux senj dieg comzyouq banggungz—Yungzsuij Cin Myauzmeij Segih, youq ndaw aen ranzcangj banggungz, boux ranzgungzhoj senj dieg comzyouq de nyaengq guh ndangdaenj. Aen ranzcangj banggungz guh ndangdaenj neix, dwg aen hanghmoeg youz aen yienh neix yinx daeuj, dwg vihliux guhdaengz hawj boux senj dieg “maij buen daeuj、youq ndaej onj、miz hong guh、ndaej baenzfouq”. Guh aen hanghmoeg neix couh hawj boux senj dieg ndaej youq laj laeuz ranz swheij guh hong. Dangqnaj, aen ranzcangj banggungz neix hawj 90 boux ranzgungzhoj ndaej hong guh.

(Liu Swjyen/廖子渊)